

續

耆

舊

續者舊卷百廿六

康熙以後諸縉紳詩

董進士允汴字

康熙三年進士

和虞尔錫先生十影詩

人影

咨尔依何此隨余惟向明輕盈乘滿月寂寞背殘灯先後終無讓
安危自不驚相規徒歲久皓首豈關情

花影

曲欄迎夜色散落布空除隱見疑誰遣高低惟自舒幾枝封砌密
數點印窗虛月落出叢晚笑恣搃不如

塔影

浮屠插碧漢相照景偏長對月壓禪室臨流倒梵王雨深何處見

雲過幻非常，幾度登高望。江城帶夕陽。

帆影

搖漾孤舟渺天涯，迅速臨輕移。浮水掠斜渡，隔雲陰拂岸，難留迹。
鷺魚過別潯，古今南北路。一片利名心。

松影

蒼鬱影空岩脫重，翠不開清陰。常愛密雲，孰能裁漏日，鷺玄鶴。
留雲暗古臺，自秦封去後，碎、伴蒼苔。

雲影

出岫何常迹，層、視地來日中濃。復淡風裏合，能開有意，千山暗。
無心幾霧堆，不隨水流相映，只徘徊。

山影

卜築受林靜，嶙峋繞翠屏。月高分半屋，日轉寄空庭。反照波浮綠。

微陰石挂青愚公雖有術對此豈忘情

雁影

秋老空寒碧在鴻苦稻梁過樓添客夢入塞拂巖霜整、因排字
離、又失行白雲凝處隱不見住橫塘

鶴影

縞衣雖自惜相顧每翩躚孤宿形無二低昂一態宛然依依映白
壁渺渺落青田不羨剡賓鏡江樓映月圓

竹影

三徑滿斜暉修篁弄翠微簾空曲意入月盡漫知歸鳳尾留靈迹
琅玕布致稀游吟恣我吳堪共七賢依

范通城燁字赤霞康熙三年進士知通城縣著有修園詩集

樹生小兒

出西海上有木幹赤葉青生小兒長六七尺見人能笑動折枝則死手足頭俱著木上

其生也有胎其死也有茨非樹下李耳豈阿那蓮臺

避狼城

周幽王時牛化虎羊化狼食人築城避之

築城畏虎狼爪牙不可禦虎狼起城中斯民復何處

豫樟木

生七年而具象木異因感楚兒

異植從來擅化工七年頭角便籠衿爰知早慧非良物不覺悲思

動予衷

瀨益鳥

出昆明魏時入宮此鳥能吐金屑最畏寒魏主作温室以霧之名曰辟寒臺

蜀主開丹嶂魏人起辟寒冀金異吐屑疑作一般看

七輪扇

莫作七輪扇君恩早已涼不堪持扑蝶淒風滿殿旁

曳劍影

顧頊帝有曳影之劍騰空而舞若四方有兵此劍則飛起指其方則冠

安得曳劍影乘風游八極高陽有神物其光若湛靈天矯從變化
用以觀服渝黃池或弄兵沙至輒成誅是時方邃古豈必事征徂
丈夫誠有恨願借刃讒徒

秦吉了

能言鳥出自西蜀欽州府昔有夷人買此鳥去秦吉了云我漢禽又入夷地遂驚死

明妃去國怨豔女歸漢啼何如秦吉了一死等夷齊

山燈

出順慶府蓬山時現三五點或數十點俗呼為聖燈

山暗重雲幕燈開萬文龕誰傳不滅火幾點落寒潭

文山帶和內父吳子翁韻

趙氏君臣厄文山烈節恫黃冠羞異服浩氣立孤忠歌闌留雲迥
魂歸貫日雄故鄉豈所願長悵祚終窮

時人有以乾兒得美官者因為賦此

恩深豈必自天生換骨投胎便入情開府寺人宜蔭子平章門下
早添丁少鬚面目兒從父多富即君定勝兄正好斑斕戲白髮無
災無難是卿、

宿河市有感

時申子十一月也因徵浦賍至此

山行挑得一肩愁野宿非閑續舊游人影漸稀落葉徑水澗偏到
渡磯頭功名報我賸、恨書卷貽人故、羞今日陽城甘下考漫
言却尉及通侯

王宿遷批先字顯公一字瓌表康熙三年進士知宿遷縣未滿任
即告病歸年八十有五

獨坐

靜坐心如水終朝掩竹扉開編存戒慎法獨辨危微何憂憑今我
幾回悟昨非憧、奚此慕得要在忘機

哭兄

兄齒先予十六春早凋椿樹倍相親一生疏、詩書志半世勞、
門戶人送母猶聯原上鶴游仙忽作夜臺燐幾回悵望三秋雁隻
影孤孤字不真

發蘭州

不信塵真脫蕭、羽翰生衝霜乘曉發望旭果晨征濁酒那辭醉
餘年忌獨清故鄉今不遠兩月數行程

去、雲天豁行、山水通繞聽、燕未旦比遠、鴻斗酒喧良夜
繁光盪暖風果然齊損益此意合崆峒

柳堂贈詩和韻

難將脂粉競當時笑殺鬢眉怪似麴賴有故山明月亘溪邊照影
恰相宜

洛陽價重說三都樽散唯甘放五湖懶性尚難高稼圃酣眠庭草
自蒼蕪

徐侍御勅字漢熾一字戢齋戶部郎家麟子也康熙三年進士悉知三原順治諸縣入為中城監察御史此著有四集侍御少典董文在中陳文怡庭張文梅先諸公同學為尚厓岸持存紳風格然如錢文塾菴乃其父友而欲于貴後不執通家子弟之禮則謬矣若其與胡文鹿亭同在臺中偶見其門有雜賓攢眉移座是則得其當者也

胡鹿亭寄詩垂訊未達賍答應名兆上洪都中特補和

風流文采近相如况有佳人函屋俱每購异香親點黛更捐簿休
愛收書置身已似雲中鶴
懷友頓烹江上魚
料得相逢秋露白肯

容襮被到高居

往歲入都
裝鹿亭寓

話別陳鑄九同官

炎邦作史歎孤踪
意氣斯人豈易逢
呼我似牛還似馬
看君如虎

亦如龍副符暫控分茅鎮把蓋同依越爲峯更辟寶刀爲贈別何時重對豁心襟

南安舟次呈靳湛園

得拋鞅掌度梅關今日始知身是閒
速買扁舟爲乘興兼逢好友一開顏
清芬已吸西江水遠翠還看北郭山
城北玉枕山最秀此地瘠貧須撫恤聞傳太守軫良艱

滕王閣

依然傑閣俯江干此日停橈得縱觀
無限山川俱入望有誰詩賦許登壇
題咏最多苦無佳者朱門事往空明月
才客魂來倚西欄多少樓臺消謝盡尚留勝跡異人看

萬壽野王文王三過談小飲留宿

有客翻然至家老弟昆世情蒼狗幻
吾道素衣尊官冷慚鮭菜談

深判酒樽天涯難聚剪燭更重論

且莫貪酣臥秋宵月正明懷人秦楚隔

並峯任秦安管村游瑤章

憶舊死生驚

追悼蔥江蔡南介眉在中諸子何日還西記無心恋北征故園頻入夢吾意亦歸

耕

碧山堂納涼

何地堪避暑探幽到碧山奇峰槐影斂清盡鳥散閒留客頻開覽
論詩輒掩闥松陰磅礴久薄暮不知還

夏日偶興

數間矮屋半牀書客裏風光亦自如小雨剛來微醉後疎鐘忽動
倦吟餘

謝學使于道字敏公康熙十二年進士選庶吉士改刑遭遷戶部

郎督學雲南學政

題濰邑雙節婦祠

濰縣布衣李廷斌妻孫氏妾趙氏夫死三月閨扉並縊左
右不紊狀貌若生立祠城東經遇賦此

策馬經過濰水濱特旌節婦廟祠新共言繫頸差池處恰是歸魂
左右人二少同殉千古節紅顏不改四時春幽香亂繞城東路落
日秋風一荐蘋

輓富川令劉公詩次葉詞菴先生韻

日照關山萬象明逝川不當富川毅力窮魯國進三舍勇記顏家
接二鄉元帥受降歸故土忠魂殺賊快餘生史臣若輯平藩冊金
管爭開大筆名

丹心映徹火雲明罵賊驚飛霹靂殺獨把素絲維節義莫將小吏
目公卿子歸母養留遺業臣死君恩結再生地下若逢王茂宰曲
江犹憶共題名

王諱臨元江西令與公同辛丑進士同時赴難

贈中洲寺僧雪萍

寄旅中洲與不孤生公敘話夜將徂守符痛母真成石負土遺兒
孝集烏

雪萍盡節自縊瀾節空門
覓尸以葬小傳未刻

斷簡流連悲自昔禪宮踪跡恨

非夫試叅滄海同泡影往事何須問二姑

建昌有麻姑山從如山
故號二姑山

續著舊卷百廿七

康熙以後諸縉紳詩

張戶部英字

康熙十二年進士

過宛陵追思外大父豈塵錢公兼呈丹銘二舅

美人為郡萬山中，亂後重尋思不窮。話舊存亡應八九，感時親故

各西東。白雲歸夢傷遊子。

時先大父未葬

斑鬢他鄉老，寓公二舅家宛陵却怪

相逢還同住，滄桑何地不飄蓬。

郡樓疊嶂起層陰，漠漠春雲自古今。因土半生純孝血，君門三泣

老臣心。當年吳氏投簪早，遙夜山陽留笛深。記有留題遺句在，先

人有壘嶂樓詩二首

天涯曾否痛人琴。

題錢清溪公清論昭然冊

鍛鳳鋤蘭成已事，翻驚投杼出閨殺。一時士滿天，教白四載臣心。

水共清直道可無疑後死高風端不愧先生遺織肯逐雲霞散留
取重顏水欽銘

讀錢塾菴母舅酌中雜咏漫題

三朝吳廢一編青讀罷宮詞涕泪零白首忠臣啼夜雨黃冠遺老
嘆晨星玉魚金椀荒城蔽漢苑吳宮戰血腥携向天涯橋畔去新
詩應作杜鵑聽

陳大理紫芝字非園康熙十八年以翰林終大理丞

壽其封公

何年江左使懸車滄嶺雲高獨著書龍劍不鳴千里志鶴田
半畝餘太邱有子皆占象彭澤無心更卜居十載遙窺經麓久願
隨吳練一瞻間

董陽曲世英字天培一字爾于康熙二十年舉人知山西陽曲縣

齋東池畔觀朝暎

玉枕山前漾鏡池
曉日映連漪
輕霞斂散澄潭影
薄霧還霏
碧水涵孤嶼
深藏睡鴨半汀沙
暖曠晴龜空明一片瓦
光在時
其游翔心自知

仇侍郎兆鰲字滄柱康熙二十四年進士官吏部右侍郎

陸稼書同靈壽未其荐牘漫賦志感

陸子毅名天下扁憶在西陵相往復文章軌範本先民衡論古今
洞胸腹初宰膠城志潔清豪強不敢肆憑陵婦織兒吟官舍冷夜
床折足支瓶甕撫字心勤絕鞭撲民亦如期貢錢穀時驂疲馬渴
上官竹器一杖布一束上官曉之怒擲地投劾寧論事巨細獨有
輿情不忍離傾國扳援路迢迢崇文盛世煥皇猷荐舉曾經魏蔚
州咸君才甚鴻博何期讀禮旋林邱林邱之側蒼梧古乍起凶功
滴滴土居廬寒暑不敢離出堞開光目齒腐服除更得中山令焉
俗訓民著善收貞白廷推第一流九天閭闔震聒大節多端衆以
知其之上考復何疑前何卓、後泯、豈有一身分兩岐若使早
登天祿閣何難璀璨弘著作者使同泰臺諫班庶幾砥柱回狂瀾

世風局但無足齒寵辱不驚固宜耳蕭、蘭葉正堪嗟吾道還應
直如矢

四賢祠

李相功名白傅詩坡公風雅亦同之只今廟貌依然在過客猶瞻
百世師

陳長樂諧字瑞占一字安亭康熙辛酉副貢知長樂縣其詩亦是
康熙中葉一派故其缶堂草野唱和甚多以著安亭集今存殘
本

乞飲不得

梅子黃時積雨零柴門長掩伴清冷濁醪未許墻頭過帘影遙憐
野外青痛飲幾逢終日醉多愁不耐向人醒無聊猶有謀諸婦咲
指床頭儲粟瓶

秋日山行

路入斜陽細草中豆棚瓜架語秋虫偶穿落葉來溪北又聽寒鐘
過嶺東日暖木棉花欲白露滋蕙麥稔初紅扁舟何日還乘興千
里疏林看晚楓

雜感

篤蘿附喬松、竟百尺蘭桂守空山甘心委荆棘、鷺不忘爲巢
駿馬恥銜勒丈夫志四方胡爲老里闕酒酣拔劍起高歌呼偈仄
物情順時序其世本無求、蚨蝶自識春、蟋蟀自知秋、人情重好惡
烏鵲分歡憂、百年同瞬息、駒隙無停留、思慮竭、終身乃爲衣食謀
吳言發感慨、仰視孤雲浮

蛟龍潛深淵、時亦混魚鼈、虎豹藏深山、網羅當道設、人世值亂世
緘默以養拙、君子從然諾、小人易懽悅、世人矜目前、今古多一轍
此貴守令名、保身在明哲

送春詞

昔年送春、鑑水頭樽前爛醉、還清謳、今年送春、草堂上雨殺不歇
窮悃悵、賞酒吟詩、債未償、一殺鷓鴣、又斜陽朝、檢點看花去不
道流光如許、忙寂、墻陰飄柳絮、試春歸、向何處、小園猶有未殘

花蛺蝶紛、自去來翹首臨風落短髭鏡中雙髻漸成絲今春樂事亦已矣記取明年花發時

張平涼兆龍字御六康熙三十年進士予嘗為之誌其墓

臨終口占

我身全是骨生寄死因歸骨不汨于肉汝曹謹誌之

錢孝廉渭恭字李清殊西清康熙二十六年舉人

偶興

二三農事廢經營
偶得相如心亦清
數畝山中宜早種
一犁春雨已深耕
花間醉酒蛙催鼓
月下繙書鳥報更
人意從容隨時好
閒中何日不娛情

苦雨

谷風吹得雨成霖
節序端陽令不禁
灶欲產蛙家一洗
田幾變海
岸初沉芳禾力怯
倉心淚好鳥情多
捲舌吟霖月偶看
求返照暮烟旋起
沒村林

沈安甫光定字尔則一字容峰文恭公曾孫康熙四十五年進士
直隸安肅縣知縣

有感

我幸如完卵人情似宿瘤此生具傲骨無術媚王侯

翁洲

翁洲繫在雲深處故國衣冠埋山中青史他年詳姓氏茲山贏得
首陽風

南曲

自是首陽一片石瓦來銀海吐琅玕巢成白鶴知時異種得青松
耐歲寒

寓山

大海原吾寓此山以寓名不知來寓客誰辟寓中情

司馬悔橋

唐司馬子微隱天台被徵過此而悔因名

山人高臥玉霄樓引得龍旂下越州却記石梁猿鶴好悔將身入
小橋頭

續者舊百廿八

康熙以後諸縉紳詩

李都督涵宇澹夫高士文純之孫也都督以詩人世其毅碩貧甚
落拓江湖征閩之卸都督拔筆從軍有功得官累遷福建提督
中軍總兵官都督僉事卒于官此著有寧靜軒州二子昌璋昌
泉亦能詩

自題劍佩携琴圖

風日催寒暑草木亦旁皇倏忽已三十回首惜韶光憶昔方髫齡
呶唔夫子堂不期堂此日驅車我馬旁恍慨徒自稱世路綿羊腸
臨風常獨立叉手問蒼、帶劍非為俠意氣此不忘囊絃非無待
願為知音張凌凌中野氣落、游子裳強作歡笑容恐貽老親傷
苦寒行同翰思陳諸君限韻

幽郭馬驚嘶凝眸怯攀趾積雪壓黃沙朔風吹不起笳鼓凍愈悲
日光寒更駭軍令重如山遲速繫生死人因重利名遂使天驕使
俯憐行役難追憶山中子偃臥以禦寒寡慕自存恥謾言煖閣人
酣飲擁羅綺

寄沈德威

仕路十年空咄、古道于今毒如蝮迂夫降志效殷勤總然不得
逢時訣堂上有親老且病晨夕奔馳定省缺思君嗟君名未成非
不願君早亂越但願換却舊肝腸不可硬、中途守故轍吁嗟乎
欲報春暉寸草心難追暮景西山日勝前得逢舞衣班吞餓且採
山中藥

同阿使君王峯登山觀海

望遠渺無際凌虛疑有梯眼隨滄海潤身共白雲齊風靜鯨波急

烟霏蜃氣迷登高能共賦端不負攀躋

長安至日雜興

蠲詔新頒頌聖君窮簷歎愁有誰聞傭書聊作饔飧計賣劍羞言
攻代勲好去一犁重學稼不然五夜更論文相傳晉楚田間叟半
是當年舊冠軍

僧廚飯熟爨烟浮啄食飢鳥滿屋頭陽氣漸升煤火活曙光初上
凍雲愁寒威不到袁安榻風力偏欺季子裘尚有草廬堪穩臥如
何漫作帝京游

航海用阿使君玉峯韻

搖旂擊鼓海門前莫羨將軍表帶翩才拙料無能報國違情先已
隔蒼天

沈老廉炳字明遠康熙己卯北闈舉人

溪邊少婦行

山雨漲溪、水綠客舟日傍溪頭宿溪頭有女艷朝霞怯向東風
步山曲行、時恐滋多露妾容已惹春光妬低頭無語依斜陽絢
扇微遮嬾回顧羞將脂粉聞韶華橫插荆釵露裙布妾家只在小
橋西荒榛斷棘籬邊路惆悵自怜妾命薄此生長恨埋幽谷綉閣
美人羅綺盈妾身縞素不充服臨對獨徘徊我貌如花伴茅屋

望夫石

一片望夫石千秋貞玉竟須眉多少輩不朽讓紅裙

漂母祠

具眼超千古王孫此地逢千金羞掛齒一飯感重瞳功滿蕭丞相
祠內黃石公至今淮水上世、仰高風

道經山海關登鎮東樓望海

雄關控絕漠萬里一登臺水色依天近濤聲扶雨來乾坤疑混沌
樓閣俯蓬萊回首長城窟秦皇安在哉

曉發洞庭

晨起風何驟輕船下洞庭浪搖千嶂白帆破一天青地軸搖南極
烟波老客星恍然聞鼓瑟吾欲吊湘靈

塞外有感

征鞍倏尔出長城半紙魚書慰友生塞馬五更喧客夢邊風七月
作秋聲愁看毳帳斜陽外怕聽悲笳子夜鳴回首江南腸欲斷青
衫濕盡泪还盈

項舍人埴字裴文跡寶峯康熙四十四年舉人考授中書

漁村亭

子亭為李司空此築

為愛芳洲好新添一個亭抽榛延野綠刪竹放天青隨意花成譜
無心雲作屏莫嫌方寸地時聚半天星

十里山塘水長流直到門風光新有主松竹舊仍存綠野差堪比
子雲安足論

胡右科璋字卜男本江南歙縣人康熙中葉武舉人有令裕堂偶
存州補松書屋歌一首未錄

徐懷仁文駒字子文一字耿菴諸生國麟子也康熙己丑進士知懷仁縣耿菴少有才氣銳意為詩古文詞充其此至可以不落人後而馳騁名利墮入惡簿其父雅搢行檢弗之喜也姜湛園編修初噓拂之己卯湛園入闈耿菴不售而湛園為同知試官此連染耿菴豫有下石之力其傾危如此既成進士永昌董太守復齋以千金附其篋有此購耿菴乾沒之大悞其事其在撫軍署中有鄞人廝養于滇亦徐姓耿菴其之通悞使招搖外間苞苴好色自言為官之後當令十屋俱滿已而作令果置姬侍無算遂以此昏酒罷官沒籍而身亦以此死先君嘗曰耿菴昔同研席英、思自表見不料其晚節狻獨一至于此反敗壞其父之表治惜夫予本意不錄其人念其詩亦尚有可採者故節取而附之使讀是傳者憬然于有文之不可無行也

擬古

西園有桃李爛熳爭春華
人情重目前對酒相矜夸
東風騎勢力着意吐芳葩
嬌紅配素艷壓雪兼飛霞
亭松柏枝墻角栖歸鴉
保此歲寒心寂寞守槎牙
劣於鬱青翠回憶桃李花

五丁關

蜀道難千載關名擅五丁
神土開混沌鬼斧鑿精靈
石破天碧崖分萬樹青
寬寬啼杜鵑愁絕不堪聽

次烏菴有感

一片寒山鎖暮烟亦無衰柳亦無蟬
瘴雲和雨濃如墨凍雪翻風白似棉
萬里迢迢回去雁五溪站站墜飛鴛
可憐殊土蠻荒地當日曾留李謫仙

董臨淄益字右虞文學九雲次子也康熙辛卯舉人知臨淄縣右
虞為人慤而拙不達時務人多笑之然居官三年一貧如洗
亦可稱也有遺詩一卷

和范仁山感懷韻

人生難得兩眉舒况復雄才肯靜居華夢情深聯大被軺車遙涉
共微緝龍文欲逞開新榜驥尾思馳返故閭惟我因人長落、天
涯到雲即吾廬

董孝廉德愈字定生康熙五十二年北闈舉人

秋柳

一望依、舊板橋如何風景漸蕭條月明楚岸消金粉露冷章臺
倦舞腰記得綠陰曾繫馬那堪黃葉又鳴蛩無端折贈垂亭客腸
斷西風碧玉簫

周孝廉定昌字仁百康熙五十九年舉人

偶為浮屠次偈語

路蹉跎復蹉跎奈此電光石火何
蛄利蝸名皆為我禪生夢死且
由他休言末俗回頭少幾許
英雄着服多誰似君家具慧眼
菩提早證不差訛

毛明經彬字兼文康熙壬子副貢

月湖秋泛

澗灩湖光一鑑秋
拋花深處月華浮
短橈輕撥金波動
驚起鷗羣過別洲

續耆舊卷百廿九

寒村詩弟子之二

李太學暉字賓伯一字東門景堂先生子也景堂艱于得子四十後始舉太學初墮地面上有如小耳者數十為鑿去之稍長有頰有癥作鴉青色有相者見曰此海外阿羅漢化身也負才氣頗任俠景堂讀善雅守經墨不肯少有疎畧而太學不耐章句之學通其太意而已景堂此作文字簡練組織嚴于律度而太學信筆立成既冠梨洲黃先生見其詩曰是能獨開生面者而鄭文寒村尤喜之南谿謝北溟萬西郭為四子之集太學為之長性好游春則渡錢塘探河渚入姑蘇遊鄧尉直至花信更番告畢而歸秋則觀曲江潮徘徊桐廬一帶坐待霜葉盡脫始至于四明二百八十峯則其履處此晨夕也其游錄每一年足為

一集座上之客常滿頗不善飲而喜召客其有監司牧守鎮將
荐紳先生騷雅游客以至劍俠術士沙門道流參錯旁午不可
究詰四方之士至甬上無不叩李氏而太學傾筐倒庋待之各
以其差無爽者百函並發半面不忘自朝至暮不以為倦善治
具其出門亦必挾客則其連車兼舫生者熟者炙者脯者醬者
醢者醢者壘者晨晷夜經春韭秋菘莫不充仞蓋自太學逝而
吾鄉游人驟衰風流頓盡萬西郭曰東門本用世之才遭時不
遇以致拓落江湖放廢詩酒然其風流跌宕亦足以自豪矣尤
留心甬上水利時、為當道言之卒年七十有五此著松梧集
其佳處與輿村相近云少時嘗與證人之社然不喜講學或勸
之曰今世之為此者特希世以盜名耳吾不屑也語雖放誕然
亦未嘗不切中近人講學之病三子長世兼次世法次世言而

世法尤異予善能承先志開雕兩世未刻之集行世且以十世
通家之誼屬予表墓愧無文之荒率也

冒雨過小白嶺

欲起不起山頭雲欲上不上嶺下寂雲中西望愁渺茫時有秋光
未收拾百年幾遂耶壑心快游安得俟風日双肩竹轎去如飛但
聞兩耳松濤急

拜張大司馬墓

赫奕于坟異岳坟誰將司馬足三分遊人雜踏雷峯下冷滿南屏
一片雲

妙高退禪師前朝甲子孝廉先大父同年也甲申之變投老
于此肅拜塔下

兵氛滿地逼公來咫尺家鄉竟不回杖鉢久齊生死路風塵不上

妙高臺西陵長抱胥潮恨東漸原多燹廟才吩咐勾芒無限意冬
青只許墓前開

甲申三月壽林殿颺先生九十

六十年前事若何黍離舊恨已消磨誰知尚有孤臣淚流落鄞江
百尺波

脚病詩

左脚病不瘳亦復年五十五豈云衰筋骨漸無力前者不能行
今者不能立前者不能跪今者不能揖肩輿豈難往小舟庶可即
早魘虐奈何河乾土不濕百里佳山川猶天無階級白日影難移
愁殺滿虛室

鄭公半身瘋十載聞里閭約我買孤舟江上游汗漫往來隨潮汐
汎、不登岸我脚頗難行得公半之半扶携亟相從蓬窗坐而玩

領畧繞生機異從秋光亂

無限人之生亂落如花奈天固無容心其間忽有我人皆健兩足
我早跋其左跋亦奈我何借此且安坐

柴文學梓庭字上林一字漁山少負奇才下筆溢萬言天性跌宕
宕自喜目空一切顧不甚從事于學稍壯其陳宗猷交則痛責
之曰以君之才何自棄為漁山猛然汗下終夜深省力從事於
古一日千里頓覺絕塵而奔然漁山尚閱其詩文不以示人偶
為鄭丈寒村詩見曰天下奇才也于是漁山之名大起其古文
犀利似秦淮海詩近放翁然漁才自恃其才其師惟寒村其石
交惟宗猷已而皆卒無復簇礪之者漸頽磨于詩酒以終殊未

見其止也其集曰鄭存草蓋以志寒村知己之感予嘗為志其墓

閏三月二十五日泛舟漁貫橋隔岸望在澗樓用放翁舟中

韻

三春風雨帶春愁天許清和得放舟未載一尊傾白墮柳斟七碗
試清流夕陽翻出松稍鼠暮靄催歸隴上牛待唱新詞撥棹去幾
投漁笛又淹留

興東門訪青菴上留宿周萼山壁上韻

不貪春水船上坐為訪天公步欲飛相見神情都動客別來音問
底疎稀三秋茶罷斜陽亂一局殘棋倦馬歸白飯青蔬香供好興
君安穩闔双扉

續耆舊卷百三十

正菴詩弟子之一

費文學金珪字丹壑一字我堂少學詩于宗正菴舒后村周證山其才甚高時丹壑以唱和曰胡裏扒范緘翁史雪汀劉影岩皆不肯為世俗之詩然正菴詩出于竟陵丹壑學成頗不自足乃更求師法于山谷誠齋漸變其格益橫厲奇古丹壑好色三續其婦遂有溺緘翁常苦口規而不能得以此病竟不起丹壑前娶雪汀之妹及其死也諸子尚少雪汀往收其遺詩丹壑之女惜之雪汀故捐人置不復取未幾盡散失雪汀悔之然無及矣及予時苦求之從雪汀向此抄存及唱和卷中又其壻詩藏詩凡三卷約二百餘首選定之吾鄉詩自康熙中葉以後一文為宛秀再交為率易其力能扶風氣之衰者丹壑其人也以其才

力其志趣非正菴后村詩能縛而不自愛惜以喪其身悲夫
次韻贈餘姚鮑露岑

遙擬幽人宅松杉接野邱
亂蛩喧楚徑獨鶴唳高秋
長笛斜陽度輕蓑一葉浮
何當閒抱膝風雨話山樓

乙亥春夏雜感和舒后村先輩韻

我生遭遇數原奇更復無異俗
宜雞犬能成化羽翼虎羊誰辨去
毛皮消閒偶得書千紙適意有時花
一籬知己未遑心草訴欲平壘
現但持卮

自嘆謀生半不齊尚安垂翅向迴溪
孱身健每輸黃犢薄俗情方爰野
雞為客山僧人外友薰燼淪茗雨中題
只今愁緒憑何遣湖岸松花滿舊堤

漢老歸不數日擬重游武林詩以誌感

歸來未及六七日握手纒經三兩番意氣怒濤觸石易文章花樣
入時難旱乾陸走長途渴風雨舟行六月寒一樣西陵來往路兩
船辛苦更無端

無薪行示內

朝亦摧苦朽暮亦摧苦朽苦朽摧亦盡供爨更何有冰簟折為薪
誰能問車輪琴材共炊爨誰能省老椿念及翁子貧行調而負薪
婦且以為嘆又如五股妻烹雞炊爨處富貴而忘之余不能富貴
如五穀汝幸不為翁子婦街頭市燎無束薪不計經營愁肺腑吁
嗟乎貧士之妻一何苦

偶嘆

朝為營升米暮為營束柴、冰日有待朝暮營何涯束縛丈夫志
作此兒女懷淵明負道力猶無桑婦階父兄我慚賢子弟安得佳

破顏或好友稟性又少諧稍憑一醉力可驅此百乖酒又不可得
吾愁何時排

戊子元日

預積春來十日糧且憑詩句放吾狂累緣多子人偏祝閒最今朝
客較忙半白黑頭寧諱老拳新舊事暫教忘家、雞黍能欸相直
洗愁腸作酒囊

續耆舊卷百三十一

正菴詩弟子之一

范文學核字次殺一字緘翁諸生溶次子也少與其兄寄翁並學詩辨香于宗文正菴家世寒素年幾六十始補諸生畢生但知為詩布衣破帽握手而吟情狀痴絕垂老尚有童心語及冶游則欣然神往長于截句尤擅勝在五言短章但節得古人小樂府之遺雅與史雪汀善其隙末相見均益然緘翁語及雪汀之詩未嘗不稱善可謂虛已之士也

擬讀曲歌二首

自其款相知款性不可揆拾瓦打鶯兒春來秋裡去
夜、待歡歸懊歡冶游子梅雨種合款薄情心已死

短歌

長夜何漫、寸心自悄、欲令長想思美女須早天

十家詩

明月上罌罍冶容薄姑射對鏡理殘粧蛾眉喜自函春蔥汗黛螺
從郎索羅帕

嬌慵怯倚欄半掩芙蓉面蝶蝶何双、飛繞湘裙茜為曳金步搖
從郎索團扇

郎近令儂喜郎遠令我思比翼羞鶉鷄何用長拜隨天上有牛女
從郎索別離

友人遺我布軍袍杭米白襪昔在冬杪盆荷猶放照常法袍
蠟帆戲為長句

布袍染天青陳杭瑩雪白袍免露肘危米解瓶罄色青鞋布襪行
新秋淡人跡盆荷美錦邊朶蕊遲、拆每于昏旦間清香予一脈

今年物候早風雨迷海舶介出孫守帆沉泥敢磕顛翻憶榴花時
籠拘滿街積家、必紅椒數甲論錢百主人買獨遲入市費大索
敗腹寧馨 巨盞券兩隻決旬開西軒仍招交契客炮炙喜精工
玉肥尚不瘠蝻蟀嗜者多元黃浮琥珀華筵極鰲几有時必羅擊
蠶味骨中藏艱難味始出譬彼韓孟詩東野高一格故作寂寞音
躡步有新獲斯言恐哄堂食譜疎考覈薄醉領荷香撚鬚慙白石

采桑詞

提筐行、陌上桑小姑新學大姑裝東風又到鄰園去最是春時
惹恨長

少年游俠屬當壚走馬桑間日未晡不碍梨花遮鬢影綠陰深處
立羅敷

擬過上雪尋外王舅周囊雲先生栖隱霞不果

虬松護、澗潺湲勝有閒雲自往還絕世才當百六後半生湓是
有無閒釋愁杯底陶彭澤卻聘書中謝疊山樵牧不堪留話久斷
蓬萊艸求禪閱

渡江

出郭城隅古渡頭隔江門傍大江流輕舟一葉飄然去只載行人
不載愁

南望

立盡江皋江渺茫過五里是吾鄉人稀古道拋官渡柳弄春晴壓
女墻四野風柔蝴蝶喜半汀水暖鷺鷥忙摩挲老眼放斜去片檣
南岡界小塘

溪上看垂釣者

為客半月久林壑趣誠美幽栖無事為小橋看流水何來垂釣翁

移時竿數起意恰屬秋山不惜世人營緩吟歸去來茅屋淡烟裡

續耆舊卷百三十二

諸韋布詩之一

黃布衣之傳字築隱一字肖堂隨州之元孫也予家與黃氏通家凡八世方致齋宗伯為陽明之學講于里門先司空公往復最密已而宗伯之從子觀察重以婚姻故隨州為司空門壻自是以還兩家後人往還世好不替甬上歲時最重先世影堂之礼每春初葉必過吾家拜先司空以下數世影堂吾家亦往拜答因而剪韭高會二十年來甬上之巨室淪落且兩家亦禮廢不復舉其犹行之者吾家惟先君黃氏惟肖堂先君下世七年肖堂隨之黃氏之好絕矣先生少負高才下筆為詩古文詞唾棄一切恣其所見嘍、出之不知者聞其議論掩耳而走蓋古之所謂狂者也此讀書丹黃不一過直筆不肯唯阿少其先君同

學先君以愛弟視之及予長先生亦極愛予有詩作輒見過曰
以待賢父子補定之然先生彈駁古人律、已甚此苦未能遍
讀天下之書故或有古人已早及之而先生尚以為自得之說
者亦或古人行事別有本末先生未及平反退欲登爰書者亦
有古人未定之說而先生悞據以為言者予叨先生忘分忘年
之契時或指點及之先生初或謂然不遽信而未嘗不渙然莫
逆也然先生此見到處正自不廢必其予讀明夷待訪錄曰是
經世之文也然而猶有憾夫箕子受武王之訪不得已而應之
耳豈有艱貞蒙難之身而存一待之見於胸中者則麥秀之恫
荒矣作者亦何有不照哉予瞿然下拜曰是言也南雷之忠臣
而天下萬世綱常之詩寄也蓋先生之讜論且以砭切古人有
如此者念先生在日里蒼中夏謀之徒無知先生者况其後乎

今而後不特肖堂遺書不復可問并致齋以來之學統一旦墮地巢梁之燕升屋之鯉相率消沉其誰無泣然流涕也

丁丑冬寄長兄

庭前雪後連枝樹相對悠然念弟兄臘月寄來雙鯉信春風定到五羊城江湖四載詩名盛家室三遷生計傾莫問故園今日事近時豺虎日縱橫

積雨感興

遲日園林霽日稀封姨看盡敗芳菲垣衣得雨看新綠山帶將晴束翠微吳寄双松詩不負游憑兩履事多違最憐巢燕無拘碍去來、自在死

憑少使寄內

春服看新寄憑妻補綴來數行因僕返餘事向花開負壁殘灯炮

虛牀旅夢回歸心并客意終夜此徘徊

朝恩賑荒酌報邑宰徵糧甚急感作

詔赦租官在來日、呵呼撻役遞官役先錢後酒醴怨氣吞民、
飲泣哀哉野中榆皮草子尚皆空何止家、屋如洗

聞比報荒戶冊甚嚴交冊不受乃比按國荒冊陋規也

詔赦糧吏索費荒糧紙上免三分荒費三分先入吏民室仍荒吏
室豈徒受牽纏作偶戲惟願天公水不荒惟歌蠲荒水無議

回浦旅懷

旅寓寒山外鄉心殘雨中夜于十月永霜到五更濃校閱書多誤
推敲白有功披衣坐愁絕閒撥瓦爐紅

續者舊卷百三十三

諸韋布詩

范布衣梧字素園一字寄翁諸生溶長子也其弟核為詩學于
宗正菴之門宗氏詩多山林草澤之音寄翁亦其中一高弟也
惜以無後散佚其弟拾殘稿屬子論定

山中雜詩

小草無能為春露司其命火化情無私滋培松柏並意氣欲自矜
遂如終古盛樵夫何乏鎌接之堅以勁徒令生嘆嗟莫除不能竟
我輒前致詞尔草其諦聽霜乃露之凝春是秋之柄根安保秋霜
吾方為尔慶

晨起萬慮息偶循山椒行羣雀先我來各一瓦以驚故為遺其一
啁、向我鳴似亦懷隱憂尔雀何不平我方遭弃置毋敢怨友生

高天寬以舒胡勿振尔翎孤子宜緘默雲中有飢鷹願尔頽毛羽
勉旃保艱貞

有感

吾徒淪落亦何辞枳棘叢中馬此之蟋蟀催衣空鼓翼蜘蛛覓食
藉游絲教猿升木心方悔望雀啣環願亦痴割席管寧非近腐千
秋不媿好男兒

秋日散懷

一望遙天散晚霞草堂閑寂犬無譁晴含雨氣芙蓉葉夜飽秋穀
蘆荻花村舍穀升爭小碓野田豈熟立風車開籠頗喜肥雞鴨檢
點糟床酒不賒

葛文學世揚字詵軒有月滿樓詩稿吾友巽亭之父也

吳江舟次感懷

風飽帆懸水穀垂青山一片移頃刻隔岸堯花紅雨飄忽憶昨宵
過寒食寒食家、掃墓歸紙錢掩映度斜暉可憐游子成飄泊望
斷白雲何處飛

有感

身已如萍梗飄零越野鷗世情驚嚇鼠吾道任呼牛髮白添新恨
山青失舊游昨宵歸夢急欸乃咏扁舟

補祝林蘭菴先生九十

天教東海有孤臣九十仙、鶴髮新舊主敢忘修禊月編年重感
義熙春千秋事業函心史一代文章剩角巾試向畫樓關上望墨
痕堆霧盡龍賓

甲村晚行

冬晚江南路原田餘稻根沙頭淺水去日脚遠水吞罷館羣兒喜
歸牛一豎尊蒼涼雲樹外依約認前村

壬辰仲春望後將入太白山夜宿天童中院枕上得句
一榻枕溪流夢魂恣沆漭不知雨其晴但聽溪流響

續者舊卷百三十四

竹林唱和諸子之一

陳司訓常字時夏一字介、本杭州仁和縣以明經司訓于鄞其父為曹郎家豪盛及時夏之官家中落解任因居鄞之竹林奇東少年時流連裙屐妓雅工詞曲雖為學校長官心情如格也既而悔之始留心經學講求儒林之說其詩最契者史雪汀而予年甫踰冠為忘年交無日不聚首者索如肉貫串有詩得即紀之此著有讀書私記硯田羹稗及文集幾百卷方之于古困學紀聞之類也自是此為詩必皆清醇雅正之音然稍矜貴不多作矣予北行時夏送予河干朗吟贈別詩云臨去頻回首應怜我索居春風閨苑上落月屋梁初軒渠翰前輩牢愁并老漁期君得意後重著未完書洒涕滿紙晚年益困故人為言之選

一八卷一廿四
部復司副蘭溪未幾卒謂其小子曰吾竟魄終恋鄞也其小子
遂定鄞時夏工書入鍾太傅之室其篆法與雪汀各自成家兼
精琴學時夏去杭亦僅四十年杭人無復知時夏者吾鄞安得
不亟傳之哉

謁嚴子陵

莫笑魚蝦老此身釣竿頭上有絳綸天開奇局成高士地闢雙臺
着故人豈為功名矜氣節不將朋友易君臣偶然寤寐渾閒事留
與漁樵作富春

古意

金陵城上銅龍絕胭脂樓上銀缸滅寶琴弦斷簫聲咽杜鵑叫落
天邊月夜涼釵燕不双栖鮫珠湧作西江雪銀瓶落井荷絲折鏤
金衣刺沉香竭春深無多奈尔何二十四番花信歇

禱佛

半世青毡舊業寒
灯前有影總流酸
佛天若著來生籍
願作燕昭一馬鞍

西湖雜感

未知沙漠進如何
望帝魂歸非舊都
寄語疆場休戮力
宮中新築小西湖

小事經心最可怜
錯訝故物定須遷
玉核已黃返魚腹
腦後休提二勝環

權將和議當行成
傳道瓦龍返舊京
九廟有靈怜聖孝
六宮縞素葬燈檠

懣恨中原易蕩平
安排田舍着干城
西陵幸騎驢
客買得將軍不說兵

雁斷南天信不通好留一日念飄蓬九重新建延和殿不記當年

太乙宮

金帶句傳滿上都等閒筆墨費工夫西湖花鳥應描盡不畫傷心

五國園

丞相樓船泊裏湖半閒堂後阿誰輸可恨此夜清淮水曾記金籠

蟋蟀無

江潮三日不便宜目斷龍船到海涯一望厓山千頃浪月明無處

泣孤兒

無端鱗甲乍飄零龍穴重開夜不扃山鬼亂啼風雨泣白頭遺老

拜冬青

天寶按樂圖

花萼樓前花萼香太平天子催花生娑羅門曲翻霓裳黑奴吹譚

奴拊念奴歌花奴鼓赤烏銜杯白象舞三郎自按月中譜玉奴暗
把范陽簫立殺海棠嬌不語君不見錦襖孩兒耳中焚征鼙夜繼
新殺入香叢道上雨淋鈴歸來獨對紅桃泣

謁旌功祠

博得君王再視朝老臣自合飲環刀幹旋日月完神器安頓山河
碎絳袍兩袖清風朝北闕公就朝語一腔熱血赴西曹公就朝語重開三字

糝糊獄南北双峯一樣高

忠肅墓在南山
或移墓在北山

無題詩

金屋從來恥阿嬌性情養慣太輕佻碾成碧玉双跳脫鷓斷金絲
少步搖紅豆暗添偷記曲朱櫻微破學吹簫是誰偶道蕭郎字一
面嬌紅暈晚潮

生就嬌愁最惱人可憐十八尚身輕箇中滋味春無跡暗裏風流

函不成偶記艷詩嘲小妹細抄奇字難狂生夜香燒盡想思篆頭
結東風一段情

短姑道頭望落伽

剛在波濤鼎沸中瞥然克到蕊珠宮珠慈航可度回頭是彼岸當前
舉步通伏水善財閒拜月咲天獅子冷鹽風丈夫勇猛觀何物中
白花門萬劫空

續者舊卷百世五

諸韋布詩

陳山人本哀字行六一字庭梧翰林弘續之羣從也

光溪春日和杲堂先生散懷韻

雨後初開白板扉，掠泥燕子趁風微。
客來小徑題詩去，童至前灘喚犢歸。
麥隴垂天漸暖，溪漁泼水初肥。
閒中幽趣隨多接，斷續村烟送夕暉。

拉伴同游任此使，路迷數問村佃幾。
家庭院垂青柳，一路鶯花紅滿田。
秘監宅留成古蹟，將軍墓前憶前賢。
明朝又過王公廟，檢點囊中贖酒錢。

倪文學益字皆木一字西野居鄞西村之五港口學詩于宗文正
菴之門里社推為長者以著有猶災草吾友錢君中盛世壻也

雨後晚步

西山缺殘雨夕陽下遠塢疎松搖暮風、入我戶振衣出庭際
兀然立廢圃仰觀蒼漢問問月幾千古

治圃

除草不去根厥萌將復吐數日不窺圃荒草將如故因思去惡者
多為草、誤努力絕其微庶可保遲暮

觀穫

南鄰收秫北收梗處、崇墉傲百城我亦明年焚筆硯大家犂犢
聽倉庚

毛處士彤字欽文

初冬旅館次錢退山韻

一夜淒風羈客哀，蕭蕭落葉滿江隈。
無力敢怨人情薄，有命何嗟馬齒衰。
傲骨不因窮困改，孤梅偏待雪相陪。
此生落拓誰來訊，吟對清尊醉眼開。

胡布衣奇佐字襄哉一字侯山居湖上史文惠王園旁受詩法于宗文正菴僅年三十而卒布衣為人落古道友朋羣居有失言即面規之勵志于聖賢之學周規折矩市井小兒皆呼為長者惜未見其止臨卒出友人所寄金致之其子其生死之際不苛如此有詩一卷神韻不俗若天假之年不僅尔也又有緱山

且筆

古意

教尔催歸鳥即前啼又啼如何終不去只在妾窗西
教尔催歸鳥明、含血啼血啼催近客不肯到遼西
無計得郎歸有夢尋郎去若教不復醒芳魂或共雲

春郊即事

閒憑芒屨當行舟才出郊南詩思恣柳罩晴沙藏野鴨草淒荒塚

失眠牛藍浮面、泉方漲綠逼村、麥有秋為憶春山游更好擬
收茶灶別探幽

日午

麗日天空潤樓高不上塵風恬魚陣合烟聚午炊勻漫捉談玄塵
聊歌折角巾雖然抱琴懶寧作畫眠人

芙蓉州古意

妾住芙蓉州隔君三五家三年欲相識對鏡時咨嗟今日得見君
聊贈芙蓉花寒芳雖不語靜好妾以嘉願君好持去莫便萎芳華

續考舊卷百卅六

諸韋布詩

費文學培堯字堯言趙憇菴之徒也少有才早卒

歸來閣快飲即事

平明閒步堞薄暮醉浮生吳門能忘倦交深豈泄盟親朋仍故老
日月漫遊征獨解歸來意悠、一酒愴

李 潏字澄遠一字東籬都督涵之弟也有才氣

贈邱公

落、四十年畏僧如畏兵非為尚時俗秉性自生成岳公咫尺山
偉老萬里京目前錚、者從未通姓名君亦淄衣流故與我逢迎
六旬老方外一到不世情語人不平事吐露若雷鳴若止筆墨投
鱷鯨何足評從此白君別仍閉雙扉荆

周濬先字商桓一字碧亭罍湖人也

予其族祖憲臣先生忘分久交自移居後會面之難如渴然
頃以秋抄圖晤信宿商量未了公案不料遽成死別較歌

二章悲何能已

憶過東樓二十春滄桑多故遂潛身已悲聚首非當日况復傷心
作故人白髮歌殘詩挂壁青萍彈罷匣封塵可怜幾許襟懷在寂
寞楓江無問津

尻輪神馬了何常惟有芳規世莫忘古道于今失大雅素心自昔
痛先亡籬花露冷三秋蕊蕙帳燈孤五鼓床膝下雙垂風木淚蕭
蕭徒自下沱滂

朱永年字默菴

祝林繭菴先生九十壽

如雲如鶴柏松身千古
西山薇蕨新不見先生九十壽
幾忘今歲甲申春故陵麥飯誰洗奠皓月衣冠剩老臣
天意還教留碩果中原
文献更何人

范公子之恆初名廷或字稼軒延平守光陽之長子也

向其鄭義門有山居讀書之約延連未果是夕忽夢至山舍
聯床夜話未幾覺夢覺悵然久之

平生有約結茅廬灯火山窗夜讀書不謂斯言終函柏空尋前約
夢魂餘

分明携手入山村花繞窗前水繞門夢裡恍然疑果否青灯一榻
欲銷魂

楊文學紹先字于賓一字皎川著有皎川詩草二卷歷朝正氣集

二十卷

讀錢希毅先生愁憤詩

鵲巢憶昔未居鳩偏繫先生江上舟願挾魯藩東越國竟呼蒼水
到瀛洲心悲荆棘銅駝夜氣憤風雲缺馬秋醉讀瑤篇三十首至
今我亦哽咽喉

讀張玄箸先生絕命詞

錢唐不耐鵲鳴鳩再駕金陵彩鷁舟胡土灶烟迎漢幟新藩松酒
走滄洲廿年海外東君怨一日湖邊西子秋死矣直追文信國揮
毫紫市咏詩喉

雨後牡丹

亦有凌雲志亭、起玉樓只因春雨惡暫尔學低頭

和莊頑菴九月二日即事詩

滿目霜皋草樹愁，菊花獨護一籬秋。
如何元亮歸田急，猶似林宗情議留。
世上滄桑難屈指，山間風雪已盈頭。
遙知魂繞錢塘岸，故壘荒、不忍游。

次夜又雪用韓文公獨釣寒江詩韻二首

朔風續其絕，寒灯明欲滅。
遙憐西湖梅，雪後花添雪。
吳山本青絕，湮以白則滅。
梅花得意處，正在雪中雪。

續耆舊卷百卅七

諸韋布詩

董布衣元倫字沛之孝廉允瑤之羣從也

寶刀行依友人韻

我聞神鋒出亂穴火精歸數丙午鉄礪以起砥淬清流虹氣干雲
電光掣十年腰下羅星文青芒閃、壯士恍忽聞不平鞘中鳴陰
森漏影寒氣列佚腸一片等閒看徒使雄襟胸懷焚使君之刀何
靈耳切玉如泥劍不催脫光亦名刀四射驚滿座龍鱗直上比風雷
一去投分解刀贈為君意氣引百杯寶刀自昔海內鮮千金價值
擬神隸韜光斂鐔不嘗試一試風馬起八埃若使懷寶非沙用寧
是匣中肯輕開呂虔得此不敢佩應識休徵有异才嗟吁寶器非
非知己誰能物色到塵埃

陳文學諾字若言

次昆陵吊海烈婦祠墓

碧瓦青燐挽綠楊，停梳致肅吊貞娘。
遇逢林濮挑桑，要節秉懷符誓拍航。
三尺銀銷完骨性，千緘鉄線領衣裳。
區、中、幘、能、如、此、具、有、鬚、眉、益、忖、量。

綠牡丹次韻

一題偶下九重天，朱粉忘施色更鮮。
高出低看渾似葉，本同枝異不如蓮。
難留美女珠三斛，學戴厨人幘半边。
漫道名花無我想，隨時越俗得非仙。

戎幕感述

既為從軍事遠征，奚容兩鬢博空名。
愁侵桃柳春無色，夢入芭蕉漏有聲。
旅况堪彈馮氏鉄，鄉書莫達漢家營。
丈夫自乏澄清志，我

愧因人坐短檠

閨怨御製韻

并取萬千百十九八七六五四三二一丈尺分半字在詩內

萬壑蒼山百丈溪我憐二八爾羈西鶯春九十
双飛燕駕夢三千
半夜雞兩姓締聯昏
礼六五倫曠隔案眉吟
一檠四壁全無訝
七尺軀忘杜宇啼

紀文學宏純初名年字建書一字靜溪

鄧山橋同翠峯張子二咸陳子

上古未咸郡居然鄧邑名誰為五百載乃築明州城天封兀孤秀
湖水涵空明以我鄉士文章皆菁英年少讀父書惟君歛柴荆
游覽過名蹟懷古心怍、停船何此為細甞水流殷

小白河

漁篙活春水漁人自渡河相詢村路細中有野香多為我乞鄰茗
徐來對清波

入天童

上嶺雲滿衣下嶺沙滿履赤脚入溪流雲天亂沙水

續者舊卷百卅八

諸縉紳詩

卻撫君基字學趾一字思蓼予嘗為公作神道碑今節錄之

碑文載鮑埼集第十八卷無詩

續耆舊卷百卅九

諸縉紳詩

先舅蓼崖先生姓蔣氏字季眉浙之寧波府鄞縣人也墓志文載
結埭內集第廿一卷今仍錄其傳

先舅蓼崖先生姓蔣氏諱栻之字季眉世為清門而讀書敦行
模範學序碩累代隱德弗曜外大父諱芬以祭酒有名諸生早
世先生祇四歲先太孺人祇二歲家無負郭之產外大母以女
紅上奉髦舅下撫穉孤凡十五年而先生學乃有成先太孺人
亦稱淑女人以為苦節之報吏部侍郎仇公滄柱一見先生以
最友待之先生少為舉子業此至報冠其軍國善為人代筆其
三人皆第一其一人第二遂以此獲譴于學使者顏公然顏公
惜其才雖以公今褫中服而次年又召之試復冠其軍先生亦

以此愈得名十室之邑五尺之童莫不傳其制舉文學以為津
梁碩先生此擅長者其實不在此特免園中以此為先生重耳
先生詩趣似香山太博查田先生一見而心折焉古文頗近張
文潛儼語亦得澹溪一輩家法碩先生皆不肯輕作乃贈贈于
墻屋年幾五十始見貢于布政司公車屢上復不得售有巨公
方主文柄招先生往一見欲以閔節授之先生謝不往曰世豈
無張文隱公余文教其人者二人前明嘉靖中暗搜震川之考
官也又十餘年始見中于禮部選入中秘逾年

詔歸選司補外先生亦無意于功名浩然而歸家居三年而卒
先生為人坦率樂易不立標格不設城府然其此不合未嘗詭
隨分巡寧紹道王某市井人也嘗延先生課力辭不獲勉就之
解館而後不復往還性最孝外大母病自樂餌以至廁諭無不

身親寡嫂無後事之其此生同羣從兄弟友愛一體友朋患難
傾脩脯以入以助之授徒幾五十年羔雁稠疊隨手而盡歿之
日諸子無以發其可哀也子之少也最為先生此喜稍長強
不率教先生頗有不釋然于中者嘗與先太孺人微及之先太
孺人笑曰黃山谷之諸甥無不凜其詩而徐師川獨不謂然其
水濱濠上之答可謂矣山谷之詩豈師川所能及也而師川
亦自有其可傳者李空同晚年家居大為其甥曹仲礼此苦亦
不以此損空同也兄其休矣先生為之引滿而去及予追隨之
館又同被左遷或曰當事者惡予因以及先生及予甫歸一歲
游丁內外艱方仗庇先生視予猶子或垂怜茶苦而先生又逝
棘人藥、其又何以自存耶

續耆舊卷百四十

諸韋布詩

王文學孫旦字善孳一字菊谿右仲先生之孫有菊谿集

咏杖

過頭七尺稱身長得尔如同健僕將予于憑行苔徑雨邊巡扶過
板橋霜行、常伴琴尊暇去、多因山水忙踏雪曉陪陪東郭影
燃藜夜幾老人光尊居鄉國先生望緩當舟車侍者行書法枯藤
垂翰苑詩敲明月響僧廊手中不放輕身葯肘後時懸却老方我
倦欲眠湖石榻汝間好寄竹匡牀

宜男花

滿地春暉報若何北堂花灑淚痕多勸勞兩字難忘却看到宜男
似夢我

王文學孫晉字畫三一
字芝林孫且之弟

獨酌遣興

索處鷓鴣似巢林
只一枝窮通早已定
淹柳更何咨
世路多翻覆
吾行任坦夷
蝸名定怒戰
鷗侶喜相知
幽鳥殺求友
高山靜可師
烟霞合自痼
歲月任相推
野景性方適
春光意此私
開簾恣嘯傲
臨邛展枰棋
翰墨供出趣
漁樵拾酒卮
醉來藉芳草
孤枕白雲欹

錢銘恭字萼山一字知一

奉懷叔父雪樵先生

風塵淹壯氣從倚望鄉心坐落寒窗月驚聞獨樹禽
年華双鬢髮客思一秋砧莫緩歸來計頻令夢寐尋

寄懷

漠、江雲暮荒、戍角寒千年為客易一夢到家難
戩翼懷幽樹潛鱗畏急湍素琴多苦調不敢夜來彈

書懷

寒塘月色墮高枝風起荒城角暮吹紅葉乱將秋暗度青灯欺我
鬢如絲殊難自解當親老無可人為聽數奇十載客囊羞澁態何
嘗敢報二人知

王文學承寵字玉如一字蘊齋有嘯餘集

巖子陵

巖破浮名泡影間不將華袞換青山富春饒有南陽趣明月清風

任往還

陳文學汪時字金昭

過釣臺

疊、層、春水寒風飄小艇過巖灘自憐未覩先生面雲影羊裘

仔細看

李世兼字孟兼東門先生長子也

自題植學園

古書勿釋手至味蘊其中未得先尋繹得之須貫通深恩留與我

神會覺玲瓏習靜坐恭晤工夫那有勞

董太學元密字誠夫一字少伯知永昌雋叔子也永昌諸子其子
交誠夫最早恂、蘭竹之秀也年未三十而卒其詩未成然充
其妙至且以遠到不料早死為可惜耳

晚歸次二哥韻

信步城南望野疇竹籬輕護小門幽柵魚深處雙橋瑣放鴨船來
一葉浮春水都歸江口堰夕陽多照寺鐘樓晴光爛熳懸幾許明
日旗亭覓杖頭

錢文學際盛字在德

八月廿七日閱邸抄

寄家悶離恨歸家欲掩扁恰逢鴻羽便先寄老親聽

六月天飛雪江南郡縣多水淹蛟龍地海嘯蜃揚波故畏看魯史
佯狂咲楚歌聖人方有道天意欲如何